



135273

元亨釋書卷第六

歲北沙門 師鍊 撰

淨禪三之一

唐國義空

睿山覺阿

永平寺道元

長樂寺榮朝

松島寺法心

鷲峯覺心

宋國道隆

宋國普寧

淨妙寺了然

東福寺普門

南禪寺德儉

釋義空唐國人事鹽官齊安國師室中推爲
上首初慧萼法師跨海覓法至^{トカ}皇太后精氏
欽^{トシ}唐地之禪化委金幣於萼扣聘有道尊宿
萼到杭州靈池院參于國師且通太后之幣
國師感嗟納之萼曰我國信根絕熟教法甚
盛然寂上禪宗未有傳也願得師之一枝佛
法爲吾土宗門之根柢不亦宜乎國師令空
充其請空便共萼^ト海^シ著大宰府萼先馳奏
敕迎空館于京師東寺之西院皇帝賚錫甚

渥太后創檀林寺居弱時問道官僚得指
受者多中叢大夫肅公兄弟其選也萼再入
支那乞蘇州開元寺沙門契元勒事刻琬琰
題曰日本國首傳禪宗記附舶寄來故老傳
曰碑峙于羅城門側門楹之倒也碑又碎見
今在東寺講堂東南之隅

贊曰予求碑刻而無矣乃如東寺親摸印之
其碑破而存者四片大者徑二尺餘小者或
不盈尺額之左右蟠龍偉妙也雖頭角不完

鱗甲燦然也其文殘缺句讀不成而其字書之存者亦甚鮮明雖非妙筆頗為楷正予便印四片者而歸上之下之左之右之百計剽閱少可明也世言橘右問密法於弘法法盛稱之右曰更有法之邁之者乎法曰太唐有佛心宗是達磨之所傳來也熾行彼地空海又雖少聞之未暇究之耳因茲后使萬扣問靈池今碑雖文句不成斑斑或見焉世之所傳不徒然也昔六十居士有集古錄一千篇

周秦之碑刻多載之沈隋唐乎惜乎此方好古之君子今猶不見碑之全文乎因修此書見殘碑予之贊詞不得不似跋尾耳矣

釋覺阿世姓藤氏幼上睿山習學有聲傍親文墨善梵漢書嘗聞商客稱宋地禪道之盛奮然志遠游遂以承安元年共弟金慶踰溟達于杭都乃孝宗乾道七年也時佛海遠禪師踞靈隱道價高輩下阿至其室遠問我國風阿未通語音便書曰國主無姓氏號金輪

王一種系授，未有移革僧無進納而講義高

者，賜度風俗和順，奉佛歸僧然無禪法只講

五宗經論，風聞德義特詣函丈願傳心印以

度迷津，且如心佛及衆生是三無差別離相

離言假言顯之禪師乞垂開示遠曰衆生虛

妄見見佛見世界，阿又書曰無明因何而有

海便打阿即請遠陞座決疑明年秋游金陵

抵長蘆江聞鼓聲忽然頓悟始知佛海垂手

之旨趣返靈鷲述五偈呈所見其一曰求真

滅妄元非妙即妄明真都是錯堪笑靈山舉

古錐當陽拋下破木杓海印其所證阿辭海

書偈贈行阿歸朝後安元之始附舶便通信

于海水晶數珠綵扇等二十事貯以寶函海

喜而受之壬寅夏通嗣書海已寂矣或曰嘉

應帝聞阿禪行召問宗要阿橫一笛吹之應

制時機未稔君臣莫測惜哉化行不聞乎

釋道元姓源氏京兆人紳纓之胤也始謁建

仁明菴庵爲法器後乘商舶入宋地見天童

如淨禪師淨付以曹洞宗旨歸來闢法于城

南深草平副帥時賴招以名藍不就乃如越

州構精舍而居名曰永平禪寺叢規一則

白建長五年八月二十八日告衆書偈化壽

五十四

贊曰阿元之二師者參遊之選也阿之契於
冷泉元之稟於太白見其大方而來不亦
悅乎阿之迹不多見可惜而已然猶見取雷
菴列於四燈不爲大息焉元之化播北地不

及中土不能無遺意矣

世良田良學
開也

釋榮朝粹密學從建仁西公稟宗門要旨居
上野之長樂禪苑盛揚真化東方道俗趨化
如歸寶治元年九月二十六日成時滅于時
寺內甚明徒衆相語曰昼夜之明豈有是等
之煥赫乎采筆記事過于炬燭寺傍民家望
寺以爲失火急奔入寺見朝之坐丈室而化
壽福朗譽東福圓爾皆朝之徒也

釋法心過壯歲出家不知文墨聞衲子之稱

宋地禪行駕商船入臨安徑登徑山見佛鑑
禪師鑑於圓相中書丁字示之心止席下單
提研究性堅硬耐禪坐骨盤脣爛而不攬者
九年初持丁相於萬物中現丁字心不胥漸
經歲序始得平穩歸朝居興州松島臨終先
七日謂徒曰某日當取滅然心無恙侍僧不
信到期齋罷坐禪床侍僧乞遺偈心元不克
書即唱曰來時明明去時明明是箇何物止
而不言後句侍僧曰猶欠一句望足之心應

聲喝一喝泊然而化

○釋覺心姓常澄氏信州神林縣人母祈戶藏
山佛求子一夕夢佛以燈手授覺有娠焉少
小無塵累之操年十五投神官寺讀佛書十
九薙染受具于東大寺乃上高野山染指於
三密也因而謁金剛三昧院行勇於是乎志
慕教外之旨易服親炙勇遷相之龜峯心主
紀綱又稟金剛乘於三論道得菩薩戒於深
草元遂入上都見勝林順順者入宋之望也

益深南詢之志建長之初泛舶躋宋域直趨雙徑禮癡絕冲寓一單於廣衆簡堂外之步猱而機語不契乃事徧遊參荆叟于道場拜應真于天台育王之寺大梅之塔浙東靈區足跡皆遍適值本邦同參源心者問曰我周旋諸老之間者久矣而以吾眼之不明也暗于知人焉雖吾之暗庶幾見人之明乎予已熟於地矣又不有聞邪對曰我之暗猶子之暗而我之聞寔不似子之聞也是子之所謂

熟者乎靈洞護國佛眼師我所熟聞也乃相將至護國佛眼問曰汝名什麼對曰覺心眼乃示以偈曰心即是佛佛即是心心佛如如意古豆今又徵詰數四即受印可寶祐二年春告別佛眼以月林語對御錄無門關等付之又授偈曰心即是拂佛即心佛元同豆古今覺悟古今心是佛不須向外別追尋又寫照贊曰用迷子訣飛紅爐雪一喝當鋒崖崩石裂化死蛇作活龍點黃金爲生鐵去縛

解粘抽釣拔楔更將佛祖不傳機此界他方
俱漏泄心辭而出發于明著博多乃建長六
歲也隱高野之故居明年出世于金剛三昧
院辨香供佛眼踰歲通嗣書慰荅切至弘安
四年文應上皇詔居城東勝林寺至化難逃
勤老入都奏對懶旨聲振輦下然以帝里繁
宣午于禪宴不幾潛回紀之舊院永仁三年
諸徒出衣資建壽塔于都城之西北扁庵曰
歲寒乞心曇遊心不得已又入天邑上皇優
禮迎請諮詢禪要心雖老奏對詳精上皇益
歛散繙素輒聞禮謁又願心之終焉此居心
亦覆歸紀州初心自宋歸海風俄起波濤怒
鼓一船震懼心安坐不動忽月輪現檣上頃
刻風波恬如也鷺峯元多妖魅有涉竟者必
遭惑亂心居于此屢見怪異心一一降攝或
授戒法自爾魅事息心登熊野妙法山青夫
忽星祥雲下覆正應四年晴空太雷墜鷺峯
之東嶂聲聞四十里諸徒恆至雷所有十一顆

寶珠心乃埋珠鎮山門始心遊鷲峯樂其絕
勝營構梵宇名曰西方寺接此四十餘歲化
被南紀詣熊野者取路鷲峯必志禮謁不則
爲虛行西方之寺產業寡而往來數千指心
以寺寢頰拒之或有羸糧而至縛茅樹下時
時乞諳參者庚申歲佛眼以書寄法衣一頂
七葉圖十鋪月林體道銘并賜對段錦誨語
諱諱心又每舶使音問不缺一時寄水精數
珠眼以偈報曰百八摩尼顆顆圓遂天鼻孔

一齊穿恒河沙數佛菩薩日日呼來跳一圈
其同風可占也永仁六年四月十一日示微
恙縕白省間相繼已而輕安十月十三日道
俗酬酢如常入夜神色有異諸徒怪乞辭偈
心笑曰我生平屏文墨今何特地乎徒曰師
今歛儀端坐恐告終與對曰諾乃蛻然而逝
龕留八日氣兌如生茶毗得五色設利壽九
十二臘七十四分塔于都紀心嘗以趙州狗
子話舉示學者或曰念起是病不續是藥或

日一切善惡都莫思量。四來之扣請只舉單
提之要。於時指鷲峯爲禪窟。敕謚法燈禪師。
贊曰：道不在夷夏焉。吾見朝心二師身居東
鄙。名塞寰宇。善哉心之末後。句字以一喝蔽
四句。其高妙之格。所謂不經人道之者乎。法
燈。荐承。寢袁動迴舊隱。吾謂三子者居夷
惠夏者也矣。

釋道隆。宋國西蜀涪江人也。姓冉。氏年十三。
雍髮於成都大慈寺遊學。講肆弃而理峽棹。
入浙見範無準。冲癡絕簡。北磵諸大老皆無
所契。漸屆陽山。依無明性禪師。性室中舉東
山牛過。齋櫈話隆聞。有省嘗聽東僧之盛稱。
國光及禪門之草昧。常志游化。遂以傳祐六
年。乘商舶著宰府。本朝寬元四年丙午也。乃
入都城。寓泉涌寺之來迎院。又杖錫赴相陽。
時了心踞龜谷山。隆掛錫於席下。副元帥平
時賴聞。隆之來化。延居常樂寺。軍務之暇。命
駕問道。平帥乃啓巨福之基趾。構大禪苑。請

隆開山說法東關學徒奔湊佇聽一日示衆
曰參學人日用中雖復_{スル}這一片妙湛靈明
田地然於其中不識祖翁者多若識得祖翁
我且問汝契券今在何處得契券之後此一
片田地任汝操持今時人全身在裏許而不
知裏許事者病在於何蓋不了目前便有許
多萬緣萬境入汝眼內入汝耳中眼又不會
收視耳亦不能返聽未免只隨聲色所轉無
自由分此乃非佗所障是汝自障自障者何
不會_ハ物只管逐他所以道却_ハ物爲工逐物
爲下冬日示衆曰諸兄弟究此一段大事如
三冬之內向寒爐中埋火一般常令暖氣不
斷忽然通身上下徹骨永寒開口不得時須
假佗方雖然箇是引導之門在瀟洒衲僧分
上須是向冷颼颼中搜討清淡處體究挨
得路通著得眼活然後傲雪欺霜呵風詭雨
摠不由别人收也在我放也非他未到此田
地須是自信自修自悟始得信者信佛祖有

無傳而傳之妙修者修自家欲達未達之場悟者悟現今迷頭認影之所此猶是大槩之辭若據實而說做工夫時各各陡頓精神莫隨境轉虛靈自照動靜返窮窮至無窮終有倒斷時節居十三年遷平安城之建仁都下緇素欽抱禪化逢開山千光忌上堂曰蜀地雲高扶桑水快前身後身一彩兩賽昔年今日死而不亡今日斯晨在而在諸人還知落處麼良久曰香風吹委花更雨新好者自

徒欄楯其樹名曰靈松徒屬中有流言者因
此爲甲州之行北地之胥吏氓黎幸隆之竄
謫隆亦曰我爲法跨海入此國只周旋皇畿
俟服而已不遑誘導遠陬也偶罹于讒誣而
狎于羈縲是我弘道之素也天龍豈有意於
此乎甲之呂猶洛之數又還相主龜谷山六
群之徒謗吻未合再成甲行又還壽福弘安
元年孟夏歸于福山秋七月示微疾至二十
四日晝宿辭衆而寂闇維得五色舍利其煙
觸樹葉纍然皆綴舍利門人自遠方至者歷
數十日到葬所搜索林木多得舍利隆有所
持鏡沒後其徒收之或夢其鏡留隆儀貞告
徒乞見髮鬚似觀自在像諸徒傳看異之平
帥聞之請入府疑其曠曠令工磨治其鏡初
幽隱經一磨鮮明嚴好太悲之相皆悉備足
平帥悔謝作禮後寧一山爲記今在鹿阜府
奏乞謚賜大覺禪師本朝禪師之號始于隆
也

贊曰儉約翁應 詔于龍山子舊好往來無

間一日問曰大覺之行有狀乎翁曰吾師之道徧天下人人之口處處之碑奚用區區之狀乎予曰不然物之磨物也無若歲月金石之堅久或消泐翁之所謂口碑者猶其幾而已綿時邈歲口碑亦磨吾恐感業大德之晚進者或不耳也予之步屧於福嵩薰炙翁之仲季也猶有未委之處乎翁曰子之好古也尚有之矣况他人乎余之前言過也他日誌

歲時念特僧送付予之編修焉

○釋普寧號兀菴宋國西蜀人也幼年祝髮負笈於唯識之講肄歷數歲捨去出峽而南詢遍歷諸老到建康之蔣山值癡絕沖上堂冲舉覆船僧到雪峯之話寧聞之忽然認得本來面目尋登四明之阿育王山住持無準範陶鑄四來寧又遇上堂側聞準舉僧問古德深山巖崖還有佛法也無德云有如何是深山嵒崖佛法德云石頭太底大小底小寧言

下如夢覺爾後每逢入室捷機無礙準被旨
上徑山寧侍往一日準語曰昔演祖請益白
雲端和尚端云近有數僧自廬山來教他說
禪也說得下語也得批判也得祖云和尚如
何端云我向伊道直是未在祖聽此語七月
忘食昧方諭厥旨寧聞已無言可對只向未
在處做工夫自是入室也不下語有時準把
住日尋常口勞舌沸如何不下語打一竹篦
寧當下打破漆桶禮拜已退徐通所悟準曰
汝徹也只是得道易守道難須默默守之久
久自然感驗也自是如癡似冗而度日準書
冗菴二大字遺之因以爲號焉寧欲以啓蒙
於癡絕歸省於蔣山準書法語爲介昔紹興
中應菴華嚴鍾阜大慧果據雙徑天下指二
老以爲二甘露門端嘉之間二師道譽相配
居處偶同江湖以甘露之稱呼二老之門寧
往來徑鍾之間飲見厭聞從茲聲名籍甚靈
隱天童皆居第一座適象山靈巖虛席諸山

公舉府帖儻來寧不得辭嗣香供佛鑑鑑寄
法衣信書慰諭切當次遷常州無錫丙所住
持不失家法其在象山逢結夏示衆曰諸方
安居結制靈巖結制安唐雖是一般規矩於
中大有差殊作麼生趙州東壁掛葫蘆在無
錫徑山偃溪訪及寧搗鼓上堂曰東澗水清
日泚源遠流長波騰鼎沸從這裏入不知其
畿是則是只如國一禪師經過梁溪驚將泗
州大聖鼻孔一搘直得無處出氣爲復壓良

爲賤爲復神通遊戲良久君孚可入寧提唱
斬絕諸方稱之時宋地北虜獮波雖寺院輒
受虐偶本朝道舊講五峯之法義屢附商舶
時時聘招景定二年庚申泛滄海順帆不艱
速達博多寓聖福寺即文應元年也尋至帝
都東福聖一迎接掃客位延之待遇甚渥京
師縕素奔波瞻仰副元帥平時賴聞寧道價
逐歸相陽寓止巨福山住持蘭溪隆者寧之
蔣山舊友也相見喜慰勞問副帥信嚮日煥

漸命令正位於函丈寧進十五偈力辭副帥
益堅不得已即真禪規整濟號令稹密東方

叢社指爲法窟副帥軍務之暇常入山間道
不幾契悟寧以偈印曰老僧初到與三拳埋
恨胸中結此冤痛恨忽消開正眼方知吾不
妄宣傳經歲學徒益盛海衆之中黨法義者
以違境撼之寧急率不羈勇退鳴鼓告衆曰
無心遊此國有心復宋國有心無心中通天
路頤活舉杖云拄杖頭邊挑日月合國勸留

堅執不允寧初赴本朝海龍現檣上捧七大
寶珠舉衆仰視嘆未曾有寧未來朝之前二
年平副帥夢一僧慈相嚴順教曰公勤參禪
覺後繪所夢像供養及見寧與夢像無少差
是以敬嚮無比逮退歸其子時宗領副帥差
部從送到西府文永二年也風帆無恙達明
州無何省劄主務之雙林兵艱之餘院宇毀
頓厨庫索然寧分衛賑衆不久捨去漫游江
浙晚住溫州江心龍翔寺至元十三年十一

月二十四日寂有嗣法大夢和尚法孫遍閩
楚寧爲侍讀提史端明尤炤所知木石先生
者也炤晚宋名儒觀大慧語脫然契證故與
我門諸師語意冥符宋季諸老語錄多所題
跋書寧之語尾曰叢林傑出正續真傳云

贊曰兀菴周旋徑蔣之間解悟眞正抱此偉
器遊化上邦我國俗渴聞甘露者久矣仰密
雲希沛注者不鮮矣故副元帥平公軍國公
務之劇早飮飲而取足而已然遇六羣之猖

簸作一錫之返飛雖斯方之不幸又彼真率
之所爲也昔曇摩出東迦夜歸西竺乾之良
匠猶不能無雜染之思當因阨憶家鄉又人
情之常乎嗚呼佛果住雲居猶有圓悟高菴
之黨焉況澆季卒而夷險共客不涉于懷者
至人之量也庵也曷易動乎哉

釋了然號月峯京兆人也始仕進爲太學博
士有名于衢庠俄拋冠憤接心真乘適聞大
覺道譽肩錫東往謁于福山親炙者父覺稱

其純精命以板首正嘉之元住相之極樂寺

今改淨妙上堂日在耳曰聞在眼曰見一點靈光

萬化千變靜則月印寒潭動則波生水面佛

性與精魂不隔一條線諸人還鼎省麼從來

濁富不若清貧解夏曰九旬法制已圓成借

問寒山作麼生皎潔直饒同滿月更須撒手

暗中行臘八值雪日今朝臘八好時節不見

明星惟見雪露地白牛在目前象主行處孤

蹤絕說迷說悟孰區分且喜來年蚕麥熟這

裏有入猶未惺釋迦老子若爲說臨終偈曰
七十年夜夢紛然一日覺來有何事水在
澄潭月在天有雙其語入宋地者南屏衍石
帆乳竇曇希叟著語稱讚云

○釋普門號無關信州人始游講席後至慧日
機語投契又踰海依附淨慈倫斷橋歸朝居
北土弘安四年照東山退慧峯藤丞相招門
補席嗣香供聖一正應之間文應上皇在龍
山之離宮宮惟荐作嬪妃遭魅惑年少冠纓

或亦魘之朝議紛紜或曰此地妖魅自古而有非佛居不可時南京睿尊有戒行譽敕接宮闈尊率二十沙門晝夜誦密咒而妖魅不正尊辭而避之或白門德望召對下宮宣以書尚有之况釋氏乎釋子之居何怪之有上皇壯其言門乃挈衲子而居只禪坐而已又乳淡矣然妖魅沮上皇自是傾心宗門教爲開山祖便禮門受伽梨鉢多四年冬門病東

福上皇入寺問疾門老病八十諸醫皆言者固不作上皇私念官惟銷伏或恐禪家之通効也不必獨門之有也我見寂迹定門之德業兼探心宗之云爲耳以故日夕幸寢室綺紈與壞衲相交十二月十二日晝偈安祥而坐化上皇益固心禪門賜謚佛心禪師

釋德儉相州人也始其母棄鎌倉縣之路傍或收育福山之側稍長與群兒入寺廬游木覺見之器許乃就家乞之納爲弟子自此倫

董推重又入宋地周游吳越一時名宿多所
親附歸來省覺益增智證永仁三年府帖領
本郡長勝寺乳香報于覺也次移東勝淨妙
禪興建仁建長文保元年南禪寧一山寂建
治上皇敕元帥府召僕二年冬來董山務上
皇渥禮遇其數刹提唱學者傳誦據室曰正
令全提佛祖研額抑卡威光有禮有樂正自
上堂曰昨日萬物咸舊今朝萬物咸新細看
迎新送舊元來無疏無親拈起主木上座莫

有墮新舊遷變去也無卓一千古黑粼皴萬
年一船春上堂曰向上一路千聖不傳誰家
竈裏無煙向上一路千聖不然脚下地頭上
天無孔鐵鎚當面擲元來不直半文錢擲拂
下座元應二年五月十九日晝偈辭衆化年
七十六病中賜號佛燈國師

贊曰建長正嘉之間此方禪語未醇矣月峯
於是時提唱可見蓋有德者必有言之謂乎
無關也祐禪自如宮怪自沮秦對之言信

哉約翁者其大覺之遺愛乎

元亨釋書卷第六

元亨釋書卷第七

濟北沙門

師鍊

撰

淨禪三之二

慧日山辯圓

釋辯圓字圓爾以字行姓平氏駿州藁科人
母稅氏夢舉手採明星光因而孕其後常夢
青衣之女相隨從母疑恠詣郡之父能山堯
辯法師欲決所疑先見壁間有畫像與夢女
無少異則問曰此像何神辯曰大辯才天女

也母曰妾有身而夢此天女常相隨何辯曰胞中恐聖子乎蓋天女侍衛耳母喜而曰產若無恙願投師不敢置塵中也至九月胎中有聲建仁二年十月十五日出時生金光照室適新雪鋪庭明年冬天雪兒指雪問母是何母曰雪也兒曰我誕時有此雪五歲母蹣先言入辯之室過十齡早學台教一日廁止觀講席至故四諦外別立法性之句講師滯澁兒進前解釋詞義渙然講師嘆曰是處前

哲猶病童稚機辯殆乎宿習與時年十五次歲終三大部十八羅髮於園城寺登東大寺戒壇又入洛都潛聽外學一日猛省曰我居講肆雖研究大小權實徒筭沙而已乃出三井往野州長樂寺從榮朝問別傳之道朝者建仁西公之上足也初西得敵虛室禪門大戒之圖爾就而受之兼瑜伽三部之灌頂經年而歸父能山有見西闔利蘊密宗之秘印見爾欣然而全付焉益臻秘奧爾游相陽寓

壽福寺住持行勇建仁之徒也爾講叔姪之禮勇請待甚渥有了心者其徒之彥之精首楞嚴啓講於客位爾預聽屢加難問心煩解荅爾思念今其東方學者以心爲魁而淺易

如此我其誰寄哉不若入宋地自是企遐涉之志鶴岡八幡神祠開八講席講衆以爾之深教乘延爲證義有賴憲僧正園城之義虎也時稱三井大鏡與爾徵詰憲屈爾笑而曰久嚮大鏡是鏡非鐵者恐瓦乎一會作色憲

顧衆曰莫誣也是智人之言又指我痕瑕也爾看大歲四更涼燠嘉祐元年泛海十寅夕而著宋明州界即理宗端平二年也先寓城之景福律院聽月宗主之開遮不幾入天童山禮癡絕冲漸達都下跨天竺寺月栢庭門質性真之旨栢庭證前學即授台宗相承之圖并付自撰楞嚴楞伽圓覺金剛四經疏鈔於時笑翁堪領淨慈石田薰主靈隱爾往來二開土之門適寧退耕典北山之賓與爾善

語曰輩下諸名宿子已參遍然天下第一等宗師只無準範耳子何不承顧焉乎依是登徑山佛鑑一見器許未浹旬侍巾號晨昏參請優柔飲獻會中皆大龍象也保寧覺即菴掛牌開室日東山慧西巖爲兩板首爾周旋三老而請益倫斷橋智別山一環溪敬簡翁源靈隻坼方菴寧兀菴雲希叟之儔預辨衆事爾咸莫遙頗受磋磨之功五峯煨餘佛鑑坐瓦礫場轉大法輪然天下指凌霄爲甘露之正門蓋又得入之多矣敬叟簡接飛來之北磽望高一時爾往謁北磽曰徑山報不立文字之柄拂徐知解之塵吾猶何言乎延爲上賓佛鑑從容語曰女學海浩渺比來我竹簾下一時乾枯佗日歸本國必於無消滴處橫起波瀾豎無勝幢發揮吾道須踵從上乃祖遺芳永利未來際淳祐元年四月辭佛鑑鑑出密庵師祖法衣并自贊頂相與之諸友送至山下特湘絕岸欵雪巖二人眷眷來行

在仲夏發四明孟秋著博多本朝仁治二年
辛丑也居崇福承天兩寺威倡祖道大宰府
有勝藍名觀世音寺歲首行驅讐其日捕寺
之四傍路人頭蒙鬼面身披彩服名爲讐鬼
引過殿庭此夜闔府男女入寺打是鬼爲驅
讐鬼甚困極國俗自古有之以故觀世音寺
四畔此日無行人佗州旅客往往來此就提
府之橫嶽山有湛慧明顯密多異迹適過是
境僕曰今日觀音寺驅讐也師恐遭追捕乞
從別路慧曰戒德之士豈有哉果執慧行
鬼事初大相國藤道家爲天福帝外祖德望
重當時三子皆登宰輔其第二子良實時持
釣軸奉佛甚勤元聞慧名其徒勸慧赴藤府
訴鬼事藤相驩慧來諮詢宗教酬酢詳明宗
門顯密出入泛濫藤相大喜白大相國大相
國延見果如藤相言大相國問曰上人師誰
得此智辯對曰我師圓爾頃者入宋得徑山
佛鑒禪師佛心宗正印見今往崇福承天兩

刹唱直指之道相國猶稱我况我師乎大相國乃使使招爾二月入京師大相國於光明峯別墅延爾問道恨相知之晚也就而受禪

門大戒兼秘密灌頂正嘉元年寬元上皇於龜山宮受禪門菩薩戒留宮七日敷宣法要上皇自持黃金扇與爾帝者之手授古來寡

禦也文永九年上皇不豫勑爾侍病陪宮逾旬十年冬天子教藤丞相實經大相國第
三子圓明寺召

爾受禪門菩薩戒建治元年文應上皇於龜

山宮談三教微旨二年寶治上皇受菩薩戒文應上皇又入宮問禪要藤相國兼經屈爾講宗鏡錄多會性相碩師爲聽徒圓憲面心守真理圓皆一時之英髦也輩下指爲未曾有勝集近衛藤相國受菩薩戒堀河源太師詢三教大旨爾述三教要略呈之嘗諫議爲長世業偉才爲時儒宗嘗曰三教之於震旦也隨時陟降此比儒學不及釋之遠矣是搢紳之恥也常奮之間爾之粹於釋門頗志抗

衡大相國聽管之言欲見其能爲異日與爾
道誥莊嚴藏院諫議來謁大相國爲地也寒
溫已大相國曰管公本朝大儒常銜釋壓儒
今兩雄相遇諭贏可占耳爾曰承聞管公從
事儒術是不諫議色莊而曰然爾曰我法之
中佛佛授手祖祖相傳不因師授爲虛設焉
以故某自世尊五十五世達磨以來二十七
葉強弩之窮矣雖不穿魯縞猶以系受稱釋
子以釋例儒恐亦當然不知公於孔子幾世
乎諫議鋌口而退謂人曰我欲與爾師角道
義彼以世系爲言也而我已陷重圍中耳爾
赴相州館龜谷山副元帥平時賴延府裏受
禪門菩薩戒平帥問曰今諸方說法各別或
曰妄心緣起而有生滅真心不動不生不滅
或曰大疑下有大悟或曰學者須看念起謂
之間返照未審那箇親那箇疏對曰這裏
何所在說疏說親帥曰豈無方便爾曰說似
一物即不中帥領之而已又乞衣曰願莫忘

弟子之外護文應元年寧兀菴入朝平帥於
菴有所得寄書於爾曰弟子見兀菴始知師
之鉗鎰妙密也延曆寺座主大僧正慈源時
時問顯密奧秘睿山靜明聞爾善台教誥四
種三昧兼探別傳之旨爾之剖析皆明之所
未聞也明聳聽爾曰子未精教觀况我佛祖
單傳之正宗豈義學之所跋及哉明伏膺甚
自此來往無間他時至論相絕二待爾示以
宗門關捩明疑情頓釋起而作禮垂淚曰若
不來見和尚安得窺佛祖玄樞從今世世願
不失鉗芥相宗之尤者良遍稟爾解銓撰真
心要訣三卷就乞跋語三論之首回心問二
諦之義以爾荅爲準初宋淳祐辛丑三月一
日五鼓佛鑒召折爾二侍者燒香而語曰今
夜廣澤龍王徑山告汝等二人化導時至龍
王定不食言矣折女近日必有專使不得拒
辭爾女早歸本土提唱祖道便授親書宗派
圖曰是爲傳法之信其圖畫世尊拈花像於

上左右西夫四七東土二三其下南嶽以降迄無準五十四世不捨橫枝的的繫列系其終署曰久能爾禪師并付法衣竹杖置白方菴果得定慧之請是以山中諸友固爾之本邦化行又嘆神龍之不徒也爾泛海風浪蕩漾漂泛洋中發五月朔至六月晦著高麗國耽沒羅阿私山下近岸猛風俄起共發者三舶二舶已沒爾所乘舡忽有一女人怪之爾問曰宋舶元無婦人自何來女曰我是八幡大菩薩也擁護師耳言已即隱故無敗佛鑒臨別自書敕賜萬年崇福禪寺八大字囑而曰女寂初住院以是爲額爾受已白言他時若庇身茆廬或揭崇福名敕賜二字豈我之有哉鑒曰女氣宇必爲王公欽崇女只將去不得避遜也爾携而歸先是湛慧就橫嶽山建精舍聞爾歸即日來請入院開堂仍以佛鑑所囑崇福爲寺號至此合徑山神龍之言也爾通嗣書於雙徑佛鑒答書略曰嘗聞日

本教律甚盛而禪宗未振今長老旣能堅立此宗當一一依從上佛祖法式又錄到上堂語要甚愴老懷肥州有榮尊者與爾跨海游宋地尊三歲而歸領水上山寺及爾還改禪林請爾開山自居板頭仁治三年秋謝國明於博多東偏創承天寺與爾領之佛鑒聞新寺事書承天禪寺及諸堂額諸牌等大字寄之佛鑑書法妙絕故有此送宰府有智山寺者西州之大講肆也嫉爾之禪化欲毀承天

新寺執事者聞于朝寬元元年敕賜承天崇福二刹爲官寺而息有智山之濫寇爾乃高揭佛鑒所書敕賜大字又協鑒之遠識也爾已入京大相國鄉於城東創大伽藍宏構鉅材爲都下之冠嘗曰我亞洪基於東大取盛業於興福故名東福寺俗呼新大佛未成先署爾住持立爲禪刹寬元四年大相國以東福洪營晚成先立普門寺開堂令爾居建長七年東福開堂正嘉元年平副帥再招爾入

相白皇子征夷大將軍領洛之建仁二年權
之建仁火後諸堂索然爾復佛殿雲堂函丈
舊觀文永八年總州別駕源氏建寶相寺參
州延爾爲第一祖初大相國迎爾問法崇禮
優異親書聖一和尚四字授之于時國政自
吾出故與此号蓋擬唐代宗賜徑山法欽國
一之例也夫人准右本朝ノ貴婦人賜准右号上位比皇后的佳稱也
亦聞法要自稱女弟子寬元二年秋還長樂
并故里觀省本師及母氏大相國差備中刺

史行範爲宿衛夫人脫羅綺珍服充母之貳
至長樂禮本師榮朝朝拒而不受曰公已傳
龍淵正派我豈堪拜哉只喜長壽再得相見
龜谷山榮西創之禪規未全爾之重入相陽
平副帥命行叢矩於是住持處偏室爾南面
而行事鐘鼓魚板一時改響蓋以爾之遍歷
臨安諸刹諳熟儀法也文永六年敕領東大
寺幹事曩正嘉始有是授辭不受至此朝旨
嚴切而不得已東大之幹以周州充其費州

勢瞻饒庸繙管之視利怠功故撰名宿當此
任亦國法也以爾之道望朝廷強授及主尊
勝天王法成等寺化皆德廣所覃也弘安三
年春示微疾入夏重移常樂庵文應上皇遣
官醫耳病圓明丞相入山問疾輒經宿秋
少差衆皆喜爾曰霜葉暫休零豈久之乎十
月朔鳴法鼓集衆於庵祝聖畢宣出世始卒
詞激切終召大眾曰郤後十五日望返本寺
法堂寶華主座上說末後句入大涅槃便下
座十四日晚命侍僧昇歸寺俊顯等曰和尚
老病淹羸舉動風冷恐不便身相議而不許
望且兩序耆舊詣菴問訊爾曰我今朝欲於
法堂入涅槃而俊顯等不聽公等願與我歸
寺板首以下同顯議至暮普門慧曉爾性三
弟子乞灌頂授之十六日日灑掃房宇晚間
客來黃昏果越後之無傳至爾之徒住院者
也聽爾病馳省爾披安陀會而坐傳燒香作
禮爾曰寂後相見致九拜傳還位爾曰相別

二十年與傅曰十九年耳爾微笑曰子未知
滿數也又曰我去望還本寺法堂欲唱涅槃
諸徒不可以到于今也與子相見且幸矣然
我不出今夜而已又馳使圓明丞相告辭久
之又曰今幾時侍僧曰鄉雞唱爾乃上禪倚
諸徒乞遺偈便書曰利生方便七十九年欲
知端的佛祖不傳投筆而逝空塈之後林竹
變百桐樹自枯爾心豁如而性諧調雖沙彌
童行相爾汝可見悲接之一端矣當其演唱

嚴毅不可犯宏辯無礙性相講師來探別傳
爾先詰其所業彼早屈爾曰子未委教乘豈
堪聞直指乎以故伏入者多而禪化成不然
講徒蠶蛀殆乎不建焉嘗舉倡理致機關向
上三宗旨故臨亡夜爲無傳語之其道契大
相國之深矣故其嗣圓明丞相又如父焉其
疾病時丞相自作告文禱光明峯廟延爾命
其契密如此秋初病少愈者丞相之懇誠乎
文曆初高麗國王聽爾道譽附貢船齋書幣

求法語爾書宗教之大旨以答之爾商舶來
往必信於雙徑佛鑑慰荅審切其在徑山雖
吾侍位佛鑑不稱侍者只呼爾老徑山後火
佛鑑作疏索援爾白圓明丞相通巨材珍貨
寶治之初承天寺火爾之鎮西國明驩爾來
一日中建十八宇凡擅信嚮應類之正和始
賜謚國師國師之號始于爾矣

贊曰余昔陪

文應上皇御几上堆巨編跪而閱之宗錄錄
全篇也其終有

寃元帝寶墨曰朕得爾師之此錄見性已了
寢奎爛然時余尚幼以爲慧日之於帝者
也拳拳矣逮修此書見其侍病之事益欽
睿翰之不謾矣建久之間西公導黃龍之一
派只濫觴而已建長之中隆師諭唱東壤尚
薄于帝鄉慧日道協君相化洽畿疆禦外
侮而立正宗整教網而提禪綱蓋得祖道之
時者乎

論曰或言爾師辭佛鑒鑒付大明錄曰宗門大事備此書子歸本土以是爲準爾携而歸故平副帥屢聞于爾令此書不收此事恐遺漏與曰是傳者之妄也蓋爾師歸時將來經籍數千卷見今普門之書庫內外之書充棟焉其中有佛法大明錄二十篇是以世人託言耳予見其書謬妄之甚不可言矣故我通衡之中掇其尤者非之凡數十條又失佛鑒老人楊岐中興正眼洞明寧有斯言乎只其

爾師屢閱羣書其間或采大明之相似處資談柄耳後學不委輒加佛鑒付授之言也今我舉通衡之一二學者擇焉

入理章曰有真空有頑空空劫以前無相有覺虛明寂照爲天地之宗此真空也衡曰夫一大劫有成住壞空四事空劫者四之一也空劫之稱於是立焉蓋我教之中世界成壞循環無端前劫之末後劫之初也後劫之終次劫之始也是以前亦末也終亦始也指定

何時爲空劫以前乎只其外墳之內有混沌
未分天地未闢等語吾門諸師取語於彼儲
義於此寓言假談之類元無定制圭堂立空
劫以前爲_{アヘ}真空者豈迷是而發言乎夫我門
指一念未生時或曰空劫以前或曰威音那
畔堂若取之又大惑也蓋真空者如來藏之
稱也故楞嚴曰如來藏中性覺真空性空真
覺堂分頑空真空者善然指空劫以前而爲
真空者非也堂以謂空劫以前冥漠無相足

以名真空也殊不知真空者萬像森列不相
妨礙不啻空劫成住壞劫常恆不變乃至衆
生日用現行皆是真空裏頭之事也唯其不
能無不知二字耳堂之言也乖戾甚矣工夫
上曰自狗子話入如覺帖帖寧順便可以歸
乎止觀又曰自狗子以歸乎止觀乃至行持
自有序要須節節高去衡曰吾笑圭堂之言
禪不知禪矣夫吾門狗子話幾絃何階乎有
何階級高止觀而卑狗話哉蓋堂未委止觀

乎我以其言視焉堂自曰初不知有止觀之法後讀文粹得之於何發言之淺略哉堂不學台教只見文粹所載之言寧能盡止觀何以之而言堂曷於止觀必矣尚未知止觀何其言階級於狗詰哉夫止觀者智者之資以見其行門者也精緻妙密實可稱焉然與我鐵櫃子之狗詰不相似乎何也彼止觀各析三焉所謂三止三觀也是即精妙之謂也可以為教門觀修之至要如狗子詰何所析焉乎何所觀焉乎請審析之焉觀之焉若可析可觀者即非狗子詰矣非鐵櫃子矣又非教外之謂矣若失台宗之者不窺吾藩籬只崇自宗而發斯言我猶恕焉堂已言大明吾宗於世而昧於斯事筆削何哉或言予之書引天台止觀圭峯修證儀爲言也予何痛搥提乎曰彼止觀修證之言者行相及治病之相也凡諸三摩提皆一例也若夫提撕之一事吾猶分諸家之涇渭況所得之鴻溝乎雜記

曰楞嚴有大佛二字廣大洞明苦此而後之宗師但言諸佛何哉故是書言眞空寂照空劫無相最始之佛則稱大佛衡曰圭堂以前處處稱大佛事至此證成焉烏乎惜哉宋地諸師不辨此書乎若聽其橫行魔黨益熾然則此書閒有可采皆魔說也予檢楞嚴經之大佛者第九卷曰又善男子受陰虛妙不遭邪慮圓定發明三摩地中心愛縣濬澄其精思貪求契合爾時天魔候得其便飛精附入

口說經法其人實不覺知魔著乃至口中好言佛有大小某佛先佛某佛後佛其中亦有真佛假佛男佛女佛菩薩亦然其人見故洗滌本心易入邪悟此名羈鬼年老成魔乃至迷惑不知墮無間獄是堂之立爲大佛之文也烏乎堂何見經疏闊乎此大小真假男女佛者修行之者遭魔魅之語也末代學者恐逢此惑故如來深憇楞嚴會場欲罷法座迴紫金山再告大衆說五陰魔事凡五十條堂

不見經已見到此豈不辨魔境邪何其立以爲大佛惑後學乎蓋堂之書欲立次位設階級件件昇騰故構大佛之言然無修多羅證文見至楞嚴纔得數句欲爲自證不釋真僞不考法義惟文惟視取爲證實耳夫取經文不容易也正宗正說之中猶有真假二法者吾佛之微旨所謂其義深遠其語巧妙也况大小佛之言如來已爲魔事爲阿難及未來學佛之警或堂取之爲證何乎又不知已自

墮昏坑還難諸師曰後之宗師但言詔佛何哉是立大佛之定實之言也豈所謂迷而不反者與又堂之大佛之義猶如大自在天生世間及一切有情之計殊不知一切有情纔歸真覺也無大小也無真假況男女哉至此同一一佛也誰爲大孰爲小乎若有小大非眞佛也非大覺也堂強立一物置空劫前爲最始尊是一計也寧不屬外道乎功行章曰如真空一卷何嘗有二乘鄙俚之語自古迄今

學者惟習聞二乘境界久矣今須一振耳目之濡可也自註曰正法眼藏之書方是二乘境界七百年來方發明二乘事此書大用卷尚未離二乘氣習衡曰予讀此書初怪笑至此大懼圭堂之狂妄至於此也彼堂何爲者乎著書發明何事哉自謂見佛果語有所得而指大慧正法眼藏爲二乘境界何乎佛果之於妙喜也無遺漏矣其正法眼藏者上憲章從上諸祖中露目證下垂後世范模耳故

字之曰正法眼藏堂斥爲二乘者佛果亦是二乘境界也欲高我書而不知卑其所謂師者乎我恐受糟粕者尚未幾於二乘哉然造言曰七百年來方發明二乘事其七百年者指普通而言也我愍堂之三十耐幾許犁拔乎嗚呼堂之稱發明者禪門之旨也而指祖師西來七百年諸師爲二乘堂從何而聞禪乎恐非達磨之所傳與七百年二乘事之言何憑據乎吾法佛佛授手祖祖相傳不知前

言自誰而得乎堂已言得於圓悟語是無師承之歎也是以狂妄臆度品藻吾宗世少正見者矣此書繡梓流傳者皆吾門之罪人也度人章揔明四句曰第一二句權法也小乘也第三四句實法也大乘也便言而曰五家宗派鴻仰獨未幾而無後迄今天下疑其故蓋鴻仰之大機圓相毎以後二句爲重則初學如之何承當哉此其所以未幾而遽絕臨際無從獨能以前二句爲急耳如便舉便喝奪人奪境至臨遷化猶曰誰知吾正法眼藏向這瞎驢邊滅終始惟急於前二句學者之見効也速自以爲盡其骨髓矣而後二句事則未與之知夫是以一宗亘天下而獨盛衡曰嗚呼鄉之笑懼至此團爲大愍傷此等之傳世幾乎痛哉狂愚之如是膠固也夫以臨濟爲小乘邊事而不知大乘亦以其宗派繁衍爲巴人下里天下和多以鴻仰早泯爲陽春白雪唱高和寡者皆無擇法服之爲也昔

吾鼻祖有言我見赤縣神州有大乘氣象故
逾海得來如堂之言臨際一宗說小乘事
天下尤盛者臨濟也達磨何錯見而徒來哉
吾亦思弊魔化堂附吾法而作此語欲毀壞
乎不然何如是甚矣哉堂之所謂甚深之法
皆早亡滅淺易之宗長垂萬世豈如來之意
而護法諸夫受教之謂乎堂以謂臨濟之人
境奪瞎驢滅等語皆遮掃之句也可憐堂之
昧於吾宗乎醍醐上味郤爲毒藥者堂之謂

乎夫宗教之傳遠也其又有說矣世俗之起
家者必有勤苦而後其胄繁矣我佛門雖出
世之道而流化之迹不得不然矣是以吾法
福智相資雙行耳其福或亦爲悲悲福一事
而兩用也蓋我道之爲智也得悲益成故有
悲而後智明有智而後悲通二者相合所以
吾道流行也三世大士修福起悲也所以滋
智也古來諸祖孰文一事其間殊特者爲稱
耳是以臨濟獨受茲稱焉昔百丈再參馬祖

遭一喝三日耳聲是臨濟宗之兆乎大雄接
黃檗鴻山二字雖同稟黃檗獨有吐舌之作
矣臨濟得六十鳥藤爲破夏之歸省是鴻仰
父子及諸家之所無也四海百世所以臨濟
之布濩者不其然乎而鴻仰父子當其契證
之時非有子遺矣只其湧養不密耳是所以
數世而絕也譬富家子受財於父其分者同
矣只其珍藏護惜者饗無窮之利散漫故縱
者不父而資竭是鴻仰臨濟之異也而其護

惜者非惺惱之謂也散放者非分施之謂也
豈堂之所謂前後大小之謂乎昔禹稷契立
舜朝當時賢聖之質未見優劣也及其遺胤
建國夏商不如周長者稷播百穀之勤効也
臨濟之後又有揚岐黃龍二派黃龍一時之
昌也揚岐似不逮矣數世之後黃龍寢微而
揚岐益盛者何其主金穀之所覃也堂之暗
識漫言洪崇庫不足取矣或曰禹鑿九河建
九州其功非契之比然夏曆短於殷何哉子

之勤劬之談有矣乎曰禹躬受功報登極位故短於商矣禹若不自有而貽後嗣其系授之遠非姬周之比矣而禹以人臣一旦陟太

寶而亘四百載血食者豈非過家門而不入竭力溝洫之大功大勞哉我博見三世佛記其正像末法者不過壽命之二三倍蓰而已唯我能仁氏正像二法逾壽者十數倍若其末法者及來世六萬歲時矣比其命不啻千萬倍焉是我牟尼老子奚受福之長久哉蓋

三世諸佛因修六度各有所長特吾世尊精進苦修餘佛之所不及也其事見悲華矣法華亦曰三千大千世界無有如芥子許非是捨身命處是末法被六萬歲時之故也三世諸佛平等一智其間不容差降只其悲福不能無別又是因地之願修也故吾言流化之遐邇者悲福也凡爲法檀度者知悲福之所因不有寂後斷佛種之患矣吾因徵圭堂汎論此事以誌後學或曰楞伽有四等子悲福

之論恐不合也曰不也今之談者化迹也不
言四等矣又堂以道書並吾法言而其錯多
矣吾通衡中彈擊不寡文繁不錄庶幾君子
潔指於此焉

元亨釋書卷第七

予奏釋書或曰予以圭堂楞嚴大佛事載
書有諸曰尔曰子論與堂乖矣曰何曰堂
之謂大佛者非第九卷云者也題首之二

字耳曰初予疑恐是乎又思堂雖淺易豈
其然乎而今又有斯言焉不得不辨矣夫
題首二字不可破句三字爲句也蓋密部
有諸尊佛頂其一也其佛頂都有二十略
有五謂輪蓋光高勝也大字優稱也施諸
佛頂今首楞嚴咒者光聚佛頂也故於經
題云大佛頂其言於灌頂部錄出者是也
堂豈不知之而破句取大佛二字乎然單
見寡聞世不鮮故贅于此矣

元亨釋書卷第八

濟北沙門 師鍊 撰

淨禪三之三

宋國祖元

宋正念

宋子曇

宋一寧

三聖寺湛照

禪興寺道海

圓覺寺昭元

東福寺慧曉

東福寺順空

南禪寺祖圓

釋祖元宋國慶元府人姓許氏高曾皆衣冠

母陳氏夢一沙門抱嬰兒與之乃娠母思煩
苛欲壞胎一夕又夢白衣婦人告曰汝所孕
者佳丈夫也好自保育其詞懇至母雖夢中

而左右侍女又聞此言寶慶二年

本朝嘉
祐二十一歲

三

月十八日生時白光照室至于試周之日

宋俗

迎兒產背臼行試業猶如本朝三歲試問父母列儒釋墳籍及百
玩好作具見兒自爲兒微笑而取佛書甫六
七歲就家塾記聞應酬穎脫羣兒性沉重偉
雄蹤兄弟婢妾不敢狎弄食遭葷羶必避之

或見屠宰切于己十三喪父乃勵志投杭之
南屏山禮堂頭北礪簡雍髮當年受具十四
趨雙徑拜佛鑒一見許參堂迨于十七擔
不出雲堂提撕狗子話一夜四更聞首座寮
板忽爾啓蒙便作偈曰一追打破精靈窟突
出那吒鐵面皮兩耳如聾口如啞等閑觸著
火皇飛呈于鑒鑑更舉香嚴擊竹頌微之元
澁應對鑒遷化下凌霄謁月石溪於靈隱聞
偃溪於玉几後寓飛來時愚虛堂接鷺峯菴

元常往來一日堂示禪海波瀾元溟萍然適
石帆石林橫川三名衲之天台堂以偈送之
有相送當門有脩竹爲君葉葉起清風之句
元入來堂舉赤元元曰和尚此頌只是閑語
中閒無些子巴鼻堂拈起頌子曰這箇聾元
欲進語堂劈面一揮元自是得句語三昧觀
物初主大慈元與觀有世系又兄事南山思
講舊義往而依之發意持淨者二戴江湖高
其趣操一時躡井樓打水牽動轆轤忽然得
無礙機用於見乎向佛鑒所示狗子無佛性
話及香嚴擊竹頌又無餘蘊矣始識得佛鑒
妙手之深密時年三十六翌年里人萍鄉宰
羅季莊以東湖白雲菴延元元編蒲而居經
七歲母亡歸靈隱寧退耕席下居第二座太
傅賈似道聞元道譽劄于台之真如開堂演
法爇香酬佛鑒之法乳居七歲北虜兵戈系
擾寺剝乃潛過溫之鴈蕩丙子之歲兵壓溫
境舉衆逃竄元獨兀坐堂裏虜酋將加刃頸

元不動述一偈曰乾坤無地草孤節喜得人
空法立空珍重大元三尺劔電光影裏斬春
風羣虜感悔作禮而去明年復四明天童一
環溪請歸第一座已卯之年吾建長虛席副
元帥平時宗具疏幣航海聘名宿明教以元
充遐招環溪授佛鑒法衣元拈起曰師兒世
尊傳金襴外別傳何物咄過在汝殃及我乃
披衣五月離太白六月著太宰府乃弘安二
年也八月到相陽平帥執弟子禮邀入福山
待遇日渥五年冬圓覺寺成命元爲開山第
一祖開堂之日羣鹿臨筵元爲吉徵即名山
以瑞鹿示衆曰參禪須是打併胸中淨潔去
郤情識中所重單單只將自己參取自己如
何參取自己既是自己因甚參自己蓋緣你
被知見解會日夜羌拘日夜纏縛不能得解
脫不能得出頭此是第一種牢獄你若去得
許多知見解會空蕩蕩處參虛豁豁處行不
是大徹大悟也是一箇無依倚衲子只者無

依倚處是諸佛放身捨命處。又曰奉勸兄弟
若已得些子柄擲入手者於祖師公案言教
中透教淨繩主賓回互處先用後照處權實
相待處敲唱俱行處湏是玲瓏八面始得既
得玲瓏八面了須是一時打疊教淨盡始得
若不如此墮在毒海正旦上堂曰新頒鳳脣
下堯庭山嶽齊呼萬歲聲主丈不知見甚麼
也來趁隊賀新正卻道我雖栗栗枳枳棱棱
曾曾要與你東挂西挂橫撐豎撐撐拄拄
跳出窮坑五湖煙浪裏別有好商量元偈句
俊偉有作者之風其鎖口訣句法步驟似寶
鏡三昧近世諸老此作鮓矣其詞曰諸佛妙
門列祖的旨繼繼繩繩貴在密契尺圍鑰合
綱紐沉細縫密無縫隱括幽秘遠兮非遙近
兮非邇錯無所遺舉無不備橫亘十方豎窮
三際理外無事事外無理具一切相合一切
義啓無所閉闔無所閉出無所從入無所詣
二兮非一一兮非二用則雙用置則雙賓隨

處即宗如身影爾世尊拈花達磨分體曹溪
南嶽百丈臨際揚岐白雲圓悟妙喜洎至應
菴五十一世或開或遮或權或體或順或逆

或淨或穢或明或暗或行異類激揚鏗鏘波
流嶽逝如師子箭如象主鼻如天鼓聲如鳩
鳥尾百千機緣河沙妙偈出沒卷舒三昧游
戲深慈痛悲布無緣施絕見絕聞絕情絕謂
曰放曰收控惡馬轡曰錯曰綜奪魔主幟箭
擲空鳴風行塵起龍蛇天淵迷悟金燄不入

此宗徒勞擬議禮應菴塔偈曰悞人桃源深
處路灼然流水隔天涯一聲雞唱千年後老
都劉卽幾度花冷泉聽猿曰萬里吳江萬里
天盡將客恨送歸船一聲分作三聲了誰在
巴山暮雨前禮密菴塔曰謾說砂盆重似山
不施三拜也應難黃金不鑄黃金像松竹相
爭夜夜寒與老母守歲曰風攬長林雪滿牀
寒藤無葉倚空桑誰知戶破家殘處添得黃
梁客夢長題虎齒曰獨坐枯木嵒一嘯風悄

悄衆生界未空我心終不飽元謂徒曰我初
不欲來此土而有些子因緣故至焉我在宋
禪定中嘗見神人峨冠偉服手執圭兒挺特
告曰願和尚降我國如是者數矣我不省何
事然每神人至先一金龍來入袖中亦有羣
鵠子或青白之者或飛啄之態或上予膝上
亦不測由及入此國一時有人語曰當境有
明神曰八幡大菩薩威靈甚新師已接斯界
蓋詣祠燒香一遭予因此至八幡宮視殿梁
上有數箇木鵠子問之對者曰此神之使鳥
耳故偶焉予即知定中之峨冠此神也老僧
到此不偶然耳汝等造老僧陋質膝上安鵠
子及金龍以應往年之讖又曰吾又夢先師
說法徑山法堂上我俱衆預聽忽座前西北
隅蠟燭爆火落拜席東南角其光甚熾照耀
四方老僧夢中成一頌曰百丈當年捲起時
今朝歛地自騰輝火星遠出新羅外不在東
風著意吹覽後無所測及來此國大守一日

寄與達磨像老僧讀其贊先師手澤也末句
曰不在東廬著意吹初省先夢耳四年春正
月平帥來謁元采筆書呈帥曰莫煩惱帥曰
莫煩惱何事元曰春夏之間博多擾騷而一
風纔起萬艦掃蕩願公不爲慮也果海虜百
萬寇鎮西風浪俄來一時破沒初元在鴈山
定中觀音大士現形曰我將取汝乃示
日月二字元起詣前卜籤亦得日月二字
此日爇香作鎖口訣執筆而成文不加點就
床宴息有一人語曰百萬虜寇天兵助順豈
不勝耶元夢中問曰何爲有此語對曰佗日
自見元覺後把筆於鎖口訣中加八字曰箭
擲空鳴風行塵起先三年平帥携縑紙乞法
語元書鎖口訣預識帥不委也寇平後帥問
曰海寇風蕩和尚自何先知乎元笑曰更過
兩年說與太守然又鎖口訣中已寫呈了後
三年平帥卒九年八月元語首座照無象曰
吾有一事辨在季秋照曰何事元笑而不答

下之字當
作不

月未示疾九月三日親書遺書別太守及諸方亡慮數通晚以偈示衆曰諸佛凡夫同是幻若來實相眼中埃老僧舍利包天也莫向空山撥冷灰亥時更衣端坐索筆書曰來亦不前去亦不後百億毛頭師子現百億毛頭師子吼置筆而逝年六十一臘四十九元兒俊麗顧盼可法平居不卸衣而又一被上綴伽梨供夜分其精進類此謚佛光禪師

贊曰昔百里奚在虞虞亡入秦秦興用與不

用之異也佛先生衰宋狼狽之時其道之振矣所據只邊彊叢爾之刹又或旅于人矣平帥居桓文之位藩翰吾道是以厚聘珍幣非二三羖皮之比也於是乎高踞上藍盛倡真宗見風濤之幾兆諭康平於元戎嗚呼二國之興亡者用舍之一翁乎

釋正念宋國永嘉郡人也自號大休初參光東谷聞谷舉張拙秀才間長沙百千諸佛但聞其名未審居何國土話有省述偈呈谷曰

右軍王羲之草聖最爲奇淡書千佛榜濃寫四賢詩後詣月石谿間達磨葬熊耳因甚隻獲西歸對日眼觀東南意在西北溪打一拂子念當下知解冰釋咸淳六年夏乘商舶入此土文永六歲也至相陽建長隆蘭溪待

以高賓副元帥平時宗鄉道望命主禪興精藍燒香證石溪之法乳次移建長壽福圓覺上堂曰禪禪無聲無臭非方非圓遠在河沙國近則口皮邊不可口授只要心傳翻憶普

通年遠事祖師元不離西夫褐山提綱曰無心應物風行水上自成文匪念應機箭在的中非爾力而況寒巖枯木迥絕餘息報緣虛幻豈可強爲蓋以時緣逼迫直得迴避無門是知祖祖傳心燈燈續焰佛法平等了無高下譬如春入化機萬卉千葩高低向背各各不同隨見取舍互有得失然衲僧家或卷或舒或出或沒自知時節不落精量諸聖著眼不及魔外擬心即差雖然新長老到這裏只

得鐵作面皮大開笑口且道笑箇甚麼良久
云堪笑白雲無定度被風吹去又吹來示衆
曰從上諸大宗匠開甘露門垂示機語截鐵
斬釤除疑破執如盤走明珠不往中邊擊塗
毒鼓遠近俱喪所以道宗乘一唱三歲絕詮
機輪轉處作者猶迷此吾宗本分事非權立
漸次階梯也蓋緣此方縕白素尚敎理十常
八九於達磨直指之道未深信受聞有入此
宗根本不明沿襲過謬多生異見惄謂教門
有所據宗門無所依遂乃廣尋文義意識分
別如水中捉月鏡裏求形卻將諸祖覲面提
持超情離見底機要隨語生解穿鑿理路迤
相印證更有等執平實無事擬心待悟者
況諸聖大解脱門唯過量人乃能徹證要須
玄路絕聖量盡如冲天丹鳳翹翔碧漢出海
擣龍興騰雲雨若不爾者皆依他作解記問
傳習認目前光影隨逐聲色墮斷常坑灘互
入邪途念住禪興夢觀音大士告曰逢強則

止念覺莫測後十年由建長移龜谷仰見額有金剛字始明聖識則鑿西南一巖剏壽塔刻補陀像酬指方正應二年冬寢病于鹿阜十一月益革遷正觀寺二十九日集衆入室晦執筆書曰拈起須彌槌擊碎虛空鼓藏身沒影跡日輪正當午放筆而化茶毗得設利諸徒汝龜谷塔謚佛源禪師

釋子曇宋之台州人徧游叢社普參名宿適於石帆衍公處止奔馳文采之間觀光上邦

慧峯之爾福山之隆闢敝軒以待之經數祀而歸正安元年與寧一山同舟重來平副帥貞時待以師禮迎居圓覺大伽藍叢規嚴肅衲子勇奮移童建長德治元年十一月二十八日滅謐大通禪師

釋一寧號一山宋之台州胡氏之子也幼投郡之鴻福寺融無等席下不久去聽律于應真學台于延慶已而嫌義學上天童質疑堂頭敬簡翁又依鄆之珍藏叟珍移而愷東叟

淨當作浮

來及照寂窓彌頑極互相移來寧奉事四師而欽彌之好開誘一日從容酬酢至我無一法與入倏爾投契又謁環溪橫川諸耆宿益深造詣覃北元革宋闡法祖印寺香供識頑極也居十歲移補陀山永仁六年我商舶達明境初辛巳之夏元國樓船偵我西鄙神靈戮力風波破蕩元主秦心不正奇謀百計以我鄉淨署諭寧藩撫寧逼不得已駕舶著大宰府正安元年也副元帥平貞時激怒編管

豆州或稱寧道譽副帥元重補道此冬延主巨福之席尋移圓覺淨智正和二年夏圓規菴化龍山初建治太上皇聞寧德望屢欲召見於是敕元帥府促寧赴上都秋入寺上皇幸山問道眷遇隆渥其住寶陀指山門曰海濤澎湃鐘鼓鏗鏘莫是入理之門麼喝提綱曰一向恁麼去煙水連天一向與麼來塵埃蒲面直得去來不以象動靜不以心猶是普請邊事未出常情山僧昨日十字街頭高提

祖師心印，世出世間萬法一印。印定，直是法
法無差。今朝白花巖前敷揚古佛家風，從聞
思修入三摩地，盡底揭翻便見頭頭不昧。丁

十二面鼻直眼橫，三十二身東倒西搖與麼。
會得皇恩佛恩一時報畢。良久天人羣生類

皆秉此恩力，再住福山謝兩亭耆舊。曰：普化
成褫，臨濟珍重，下生楊岐輔佐慈明。時出惹
語，是皆砥硯之質。豈爲瑚璉之材？福山者，裏
左鵬則永清玉潔，右顧則虎驥龍馳。機鋒門

星電號令，鼓風雷山僧贏得灰愁癡閑。看峯
雲自去來，雖然莫便。是福山爲人處。良久
妙舞莫誇迴雪手，三臺須是大家催。文保元
年十月寢疾，上皇時時問候。二十五日上表
告辭，又書偈別。衆曰：橫行一世佛祖吞氣箭，
已離絃虛空落。地奄然化，年七十一上皇幸
寢室，嗟慟便蘸寢奎贈國師之號。

贊曰：念也悟解純真，曇也號令嚴毅。寧也波
瀾浩滌，三師者宋地之彦，而此方之英。又吾

道之所因也矣

釋湛照號東山備之中州人浮遊講肆聞慧
日之熾化更衣謁之日許入室弘安三年日
歸寂願命領東福照避于諸徒四年藤丞相
以日之託懇請照不得已爲第二世然勇退
纔圓法歲而已照鄉開三聖之禪苑乃移焉
正應帝詔入宮問道照權萬壽帝賜寺產四
年秋八月八盜伺籌室委順而化闔維收骨
第七之朝其徒有乞分骨牙開函舍利粲然

不可數也初念大休訃至或日大休沐浴流
舍利奇哉照曰然我又佗時費子之奇哉一
詞耳至此世欽照之先知焉塔于圓通寺賜
謚寶覺禪師

釋道海號桑田播州人初習教部屬蘭溪之
炳化改服而謁依附者久已而應曲相之東
勝中間或隱或顯又起董淨智禪興大都懶
于領衆動即舍去晚屏居龜山菴延慶二年
正月八日滅茶毗得舍利百餘粒大如菽者

數顆小者如粟諸徒塔福山西來菴側

釋昭元號無爲洛城人也早摵衣於聖一之室又優游大覺佛光之門初瑞世筑之承天辨者記初友也繼移都之三聖東福相之瑞鹿應長元年春仲因病辭圓覺寓寶滿寺五月十六日書偈化闍維收骨灰中舍利數粒諸徒驚嘆其中確誠者曰諸方舍利取侮者有諸況此小數恐例浮矯不可聞也後數日分骨於城之塔所揭蓋五色燦爛著骨片猶濕粟黏器諸孤相顧嘆異至此不得匿也初拾骨時諸徒取之者數十人皆各襲藏於是乎啓緘亦咸作舍利或全骨如琉璃者有之其上皆黏舍利或數寸半骨半珠短長片骨逢形爲玉又綴舍利皆能分散增益元之徒慧泉蘊骨及諸徒開見泉亦披之無舍利諸徒笑曰子之矯傲也我師身後尚有意乎泉大愧即對骨燒香禮懺經數日爲舍利府屬婦人有惡死者聞元之舍利感異欲見之然

拘忌譁未果也屢稔傳聞自恥癡惑乃令比
丘善梁取來梁搆至骨片鮮瑩婦人生難遭
思親手把玩掌中忽落一兩顆舍利婦人起
立作禮悔見之晚矣鹿峯門側有老嫗就元
徒得一粒剝蓮實盛之聽分增之事思念我
舍利亦益乎便開見蓮殼折裂爲數十粒相
陽管內傳爲奇事

贊曰舍利者孔老之書無聞唯浮屠氏而已
講徒寡而禪者多矣我國上古希而今世滋
矣我聞舍利者戒定慧之所薰也宜乎孔老
氏之無之乎而講寡禪多古希今滋何乎近
世舍利或有竊議者三師余之所親見而不
容僞也或問經曰輪生死貯舍利置四衢道
人民盡來供養輪主只說世教孔老又說世
教何其輪王有舍利而孔老無乎對曰輪主
之教傳而孔老之化狹矣舍利之有無者教
化之博狹乎

釋慧曉讚州人幼上睿山學台教更衣聽律

於泉涌不幾謁爾公於惠日服勤者數稔矣
又泛舶入宋周旋二浙晚依雲希叟於瑞岩
一日室中舉百丈撥火公案言下有省適附
商舶而歸痛自韜埋學徒從空閑寂漠之濱
者_多正應五年承大丞相鈞旨主東福_一香
記爾師之乳也其冬夜小參曰胡地抽石筍
京師出大黃達磨失巴鼻衲僧沒商量吽吽
當頭霜夜月任運落前溪謝秉拂上堂拈主
丈云
貓有歎益之功用虎有追冤之用且問主丈子

有什麼功用卓一
下云我有四種妙用其第十一節
節放光明顯示無上道甚深微妙超有無
不往中道第十義其第十二節節現大神變宣
說摩訶衍法離四句絕百非言語不可思議
其第三節節具大手段把須彌筆劈虛空紙
寫一篇章文質彬彬其第四節節出廣長舌
轉無盡藏法輪左轉右轉橫轉豎轉自由自
在全無巴鼻便召大衆云要識取主丈子麼
擲下
云吾無隱于爾初曉在杭州北虜入境曉

懼虐談一心念觀音忽大悲印像在肩上曉
心負焉以故免刑携歸奉持見今在塔所其
居東福一冬無帽侍僧曰師盍買帽曉曰無
貲僧曰乞報知事曉曰一帽幾直僧曰半千
曉曰半千者可助我香積四分之一不可永
仁五年十二月二十五日化粟棘菴書偈別
衆曰來也如是去也如是更問如何如是如
是謚佛照禪師

贊曰予讀曉師挽希叟頌軸月坡明公書跋

尾載撥火事署曰己卯之歲因此而言曉之
於希叟不爲無得也然嗣香供慧日何哉大
抵師資之間不可容議者古多在焉丹霞雲
門之類是也曉亦或有似乎近世執道柄者
潭居華服受譏塵寰曉也甘枯淡又可稱矣
其辟帽者我與漢文之露臺並按焉

釋順空姓源氏號藏山初父夢沙門語曰寓
宿得否父拒之沙門懇乞問名對曰寂照覺
後不委何人自是妻藤氏有孕適父發鎮西

赴都船次備藝之海澨空生舟中天福元年正月一日也國俗兒生三脊試問先身多有言也父母問空對曰圓通大師父謂此名違昔夢彼此徒爾耳經旬聞倡妓歌曰寂照入炎宋號圓通大師於是乎其父始信夢語之不虛焉早投水上山榮尊尊者東福之徒也尊會省福携空而行白福曰此子非吾泥中物也願泝于龍門福笑而納之服侍三歲聞蘭溪之道譽發一瞻禮乃辭慧日之相陽溪

丁夕夢得蒼鷹詰旦謂徒曰今日俊衲至空果告謁溪以爲青華嚴之兆也命領紀綱平副帥勸空游宋國時聞偃溪據徑山接單位於海衆明年溪寂延荆叟自靈隱來居主席踰年而化肇淮海來又如荆叟之去就空歷三老參請不倦又振錫訪用斷溪於越之東山寧退耕於明之萬壽慧西巖住太白峯道價高東浙空遷而附巖老而倦誨策以思溪之輩石林五峯之師友如而依焉空周旋吳

越者久本鄉舶使至辭林林送偈曰十載中原一棹還碧琉璃外更無山扣舷三下知誰會自作吳音唱月彎風帆無恙再覲慧日日職以記室文永七年開高城基趾而居乳香供慧日尋而移承天正安二年釣命主東福大道場居五歲解印浮游京甸其上堂曰山房夜雨曉來晴風葉飄零自接聲夢破小窓室主白不須雞唱報天明良久直饒恁麼會猶是較半程又拈主文云唯此一事實餘二則非

真

靠文
云

主丈依前黑粼皴中秋曰吾心似秋

月

碧潭清皎潔

拈文
云

良哉老瞿曇止止不須

說

卓一打
下云刀須是

邠州鉢延慶元年五月九

日書偈化於雙輪之菴居壽七十六謚圓鑑禪師

贊曰曩予侍圓鑑於慧日從容問曰師游宋地謁諸名宿不知其中誰爲最乎對曰偃谿西巖我只仰望而已未遑知高低荆叟退耕就而日淺唯石林老友於凌霄主於思溪其

禪海波瀾吾雖不得而盡偏洲傍渚儻打浮沫我昔辭林林告曰小參雖家訓又自有家法子歸故里敲唱宗乘妙叶之一路不可亂做也即與二篇今猶不失乃出一紙曰子自擇焉予披之石林之親書也冬至日擬著即錯鐵牛掣斷黃金索不擬猶垂撒手還同萬仞崖這裏一咬便斷如花開鐵樹似葦逆石頭無陰陽地儘自寬閑爭奈東山山前一片松根竹腳未曾踏著在摹拈主丈不得侵彊

越界除夜日似地擎山不知山之孤峻鳳繁金網趨霄漢以何期如石含玉不知玉之無瑕蛇護神珠蘊風雷而未化設使翹翔霄漢鼓蕩風雷聞者震驚見者眩惑也只間閒地可可地豈不見僧問洞山年窮歲盡時如何山云家家門底野孤兒云鯨吞海水盡露
出珊瑚枝予誦二篇者久欽法格之峻整今書于此爲學者之標準又見偈及小參知林之期鑒之不泛泛也矣

釋祖圓信州人也號規菴幼歲投相之淨妙

寺出家屬佛光之熾化于福鹿往而依焉光

器許侍內記弘安九年光寂圓卷祿入洛都

謁佛心於慧日初副元帥平時宗見圓曰子

他時必行法檀度而不有財檀不成教乘名

句豈非法財乎子之禪檀不可不貨殖于時

心挾講譽故就焉心主龍山拉圓行巖稱於

文應上皇正應四年冬心沒上皇召圓繼席

時圓在巨福踰年入寺歲三十一嗣香記佛

光之乳也冬至上堂曰烏兔奔忙不改舊時

光彩乾坤寂爾猶涉造化斡旋豎獨有這箇

戢玄機於未兆藏冥運於即化還委悉麼擊

禪

床下謝頭首秉拂拈主拂丈日冷匣秋波凝不流幾

人來結死怨離靠羸來依舊掛虛壁一任寒

光射斗牛臘八日六年睡熟雪花堆透骨寒

來夢始回滿握夜光耀天地何順按劍立空

階圓妙年英邁上皇晨睿參請一夕源僕射

有旁寢中心動忽起思惟我豈有之乎恐寢

哀有虞乎乃馳入時上皇在龍山之下宮有旁有急劇之兒上皇兀坐如思問曰卿何中夜而至于有旁奏事上皇笑曰今日虞圓舉

論宗門圓徵詰抑逼不少假也朕旗靡陣披是以胸懷梗塞未能寐也如卿之忠襟與朕通乎有此感來也有旁扣頭曰陛下夙受佛記善聞思修然陛下間恩因圓師激發也臣之愚忠又因陛下感發耳上皇首肯初佛心領龍山宮殿樓臺未有梵製及圓一新大殿

法堂雲堂庫院山門檀林凡叢林當有者具體而成正和二年暮春寢病四月二日辭世偈曰一躍躍翻黃鶴樓子拳拳倒鸚鵡洲臨行一著元無別黃鶴樓前鸚鵡洲圓丈室之東偏手植篁竹臨亡之時竹葉委白經一二三

日復青云

贊曰祖道之被日城也五傳不續矣千光之後多間出焉然化洽相將

寧袞薄矣覃佛心闢龍山雖傾

寢衷未艾矣圓公以英妙之姿當咫尺之

威豢馴一蛟龍指搆鵠鷺宗門之光晃煜雲
衢假如圓也庸才謾識取侮於講儒祖道殆
廢于草澤矣因之而言圓其祖道之益乎

元亨釋書卷第八

31226

135273

